

Число 5

Ужгород, 1. марта 1923.

Рочник III.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ
каждого 1-го и 15-го.

АДРЕС:
редакції и експедиції:
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число60 К
За границу 20 -- К
До Америки..... 1 Д)

ОБЯВЛЕНИЯ
принимаются по цѣнѣ
за 1 сторону .. 100 К
за 1/2 сторону .. 50 К
за 1/4 сторону .. 25 К

Як нам захотитися до духовного житя?

„Кто идетъ въ слѣдъ за мною, тотъ не ходить въ темнотѣ“ (Іо. 8. 12).

Се слова самого Спасителя. Слова дуже поучительнѣ и яснѣ. Тот, котрый не хоче блукати въ темнотѣ, кто не хоче зашпотатися въ тмѣ, тотъ най не глядає іншу нетоптану дорогу, но най ходить топтаною дорогою, по слѣдамъ самого Спасителя.

Если также поправдѣ хочеме просвѣтитися и сердце наше очистити отъ всякого заслѣпленя, то — глядайме путь житя Спасителя.

Что также робити, чтобысме нашли дорогу истинного духовного житя?

Много раздумовати о житю Іисуса Христа!

Думати о Его кожdom словѣ, о его высокой науцѣ. Высока она, но доступна кождому.

Его слова — то свѣтло на дорогу житя, то хлѣб.

Не доста лиш послухати св. Евангеліе або Апостол, або св. проповѣдь, по треба думати, размышляти!

Христового духа лиш tot може мати, котрый вглубиться у Його св. науку.

А кто почув теплоту того духа и заблеснуло ему

свѣтло тоѣ премудrosti, той вже не буде знати одорватися од того, той вже буде наслѣдовати Христа.

Самъ слова св. Евангелія еще не учинять нас святыми, но мы сами маеме ся учинити угодниками Божіими. Якій то хосен, если бы чоловѣк цѣлое Евангеліе из памяти знал, но сердце его далеко стоять от Бога?

Лиш так научимеся любити Бога и йому вѣрно служити, если сердце наше раз теплимє глубокими мыслями о словах и дѣлах Спасителя, если пережиєме в собѣ святый примѣр Его.


Если часто поднесемеся думкою и чувствами ко высотѣ ідей Христовых, не буде нам тяжко погорджовати свѣтом, богатством и почестями, бажамям тѣла и жадати чогось высшого!

Кто научиться размышляти о жизни, словах и дѣлах Спасителя, тот вже тут на земли почує блаженство вѣчного житя, почуєся в св. товариствѣ Христа и святых.

Если также хочеш начати живу духовну жизнь, тогда оберни твоѣ духовнѣ очи ко св. примѣру Христа и роздумуй часто о нем.

На початку мало роздумуй, а потому сам будеш жадати все дальше размышляти о святых рѣчах и так научишся забывать о земных, забывать о тѣлѣ и жити для души, працювати для невидимых добр. в.

Кто оддѣлиться од каѳолическоѣ церкви, хотяй бы провадив добре житя, николи не осягне вѣчного спасеня, но гнѣв Божій буде над ним за то, что покинув союз з Исусом Христом. Така доброта и побожность, что не подчиняеся Церкви — то слабое и неbezпечное удаванье. — (Св. Августин).



5.

Плоды „православія“. Отколи у наших церквах шизматики загнѣздили ся и кончать свої „отправы“, церкви наши стали не домом молитвы, ай жидовскими синагогами, бужнями. Доки батюшка в церкви своими выдуманными отправами краде час, чтобы люде его хвалили: „Ой сесь знає кончити, не так, як антот“ — богохульни шизматики около церкви говорять, смѣють ся, вадять ся, словом щѣлій ярмарок роблять коло Божого дому! А котрѣ удну в церкви суть еще лѣпше зневажаютъ Божій святый дом.

Из Копашного пишуть, что там уже и шизматики ходять до церкви; айбо из того ходженя не е подяки. „Богохульни“ шизматики в церкви, в Божом домѣ всякѣ смѣхи роблять, смѣють ся, тручаютъ ся, дубкаютъ, у столцѣ польгаютъ, оден другому салутерують, лицем у зад на смѣх стоять, с рукою оден на другого осла указують и т. д., что и списати не мож вшитко.

Из Руського знов получилисъ, что там старѣ шизматики двти свої попушаютъ на наших вѣрников, чтобы их всяким способом прозвывали и зневажали.

Но та ди не файна вѣра? Ци не добрѣ научае батюшка своих вѣрников? Жаль, великій жаль, что одна часть нашого народа попала в руки таких одиниц, як сесь темнѣ батюшки. Ци може быти Христова вѣра, — про Бога кажѣть — tota, в которой люде так зневажаютъ дом Божій и такѣ соблазнѣ роблять! Придалобыся еще раз прїти Іисусови на свѣт и с корбачом выбити из наших церквей сих злочинцов и научити их на то, что наши церкви суть храмами Божіими и не шизматицкими бужнями.

Субботники. Пише нам оден священик из Марамароша, что там коло Вольховец, Няговы, Грушового и. т. д. шизматицка вѣра пропадае, а шизматики переходятъ на т. званну адвентистску вѣру. И просить редакцію да что писати о сей новой вѣрѣ, бо они таять „правды“ своего вѣроисповѣданія.

Яка радость наша, что фотіянска вѣра изчезае, так смутно упаде нам то, что — и навперед знали — мѣсто сеъ ереси настане нова. Розколы родять новѣ розколы. Кто раз оторвав ся от живого пня — Христової каѳол. Церкви, то все низже и низже упадае. Так як конар отсѣченый от дерева за якійсь час еще жіе, цвите, зеленѣе, но у короткій час почне вянути и на конци засхне. Так есме и с отступниками каѳол. Церкви: из першу „православный“ твердый, (?) потом все мягшій, позднѣйше субботник, адвентист, а на конци нич, каже что и Бога не е. Смутна се доля чловѣка христіянина. И мы головно зато выступаеме так остро против „православія“, бо знаеме, что наш русин довго „православный“ не буде; бо як увидить что яка tota „православна“ вѣра и якъ в ней „пастырѣ“, утратить свою дяку от такої вѣры и от таких пастырей: и понеже ганьбить ся вернути назад у свою стару истину вѣру, радше буде субботником, адвентистом и безбожником.

Что ся тычить до адвентистов (субботников) мы о них только знаеме, что их вѣра не походить от Христа, но от одного американского фармера Вилліан Міллера из рока 1831. Они надѣютъ ся, что на концѣ свѣта праведнѣ с Іисус Христом за 1000 роков будуть пановати туй на земли и потому буде страшный суд. Назва их происходить из латинского слова *adventus* = пришествіе, бо они чекаютъ иришестіе Христово. Меже ними находяться всякѣ секты; однѣ святкують недѣлю, другѣ субботу. Головно в Америцѣ суть розпространенѣ; в Европѣ мало шкоды робять каѳол. Церкви, из большой части из среди протестантов и схизматиков переходятъ до них. Там де цвите жива Христова вѣра, там адвентисты не в силѣ шкодити церкви Христової. Душпастырѣ нашѣ, с углубленіем побожного житя вѣрников могутъ найуспішнѣйше бороти ся против сей ереси.

ТРАКТИЧНЫЙ КАТЕХИЗ

Предмет вѣры.

1. Что вѣруеме?

Вѣруеме все то, что Бог для нашего спасенія через патріархоя, пророков, единородного Сына своего и апостолов откровив.

2. Где находится откровеніе Божое?

В святом Письмѣ и в святом Преданіи.

3. Что есть святое письмо?

Святое письмо состоить из тых книг, старого и нового завѣта, котрѣ из вдохновенія Духа Святаго писанѣ и признанѣ за слово Божіе.

1. Без откровенія Божого чоловѣк упадає в дикъ звѣрскъ суевѣрія.

Коли открыли Америку, там нашли дикий народ, котрый болванов умоляв и сим болванам и людскѣ жертвы приношав. Особливо „болван войны“ любив — по их думцѣ кровавѣ жертвы. Перед сим болваном так приношовали жертву: Чоловѣка, осужденного на жертву, привязали ко земли. Потом приступив жрець и ножом розпоров груди несчастнаго, потом выняв сердце и передав болванови а тѣло раздробив и раздѣлив присутным, котрѣ як святу страву поѣли свою часть. Коли Кортез около 1520 р. заняв город Мексико, нашов там множество пещер, наповненых костями пожертвованных идолам людей.

Непросвѣщеннѣ ласкою откровенія народы умоляли и умоляютъ солнце, мѣсяцъ, звѣзды, огонь, воду, скотов (льва, орла, мачку, гадину) и т. д. Индіяны и теперь гадину умоляютъ.

Мы, христіяне, каждого дня маємо благодарити Бога, что откровеніем своим душевнѣ очи наши отворив ко узnanію правды и сесим подняв нас ко достоянію чоловѣка, на образ Божій сотвореннаго.

2. В Нѣмеччинѣ една высокородна жона любила читати всякого рода свѣтскѣ книги и хотяй мала у себе и св. Письмо, была к нему дуже студена. Не раз казала, что то не интересантна книга. Но сталося, что нагло умер еї муж и

она без утѣхи глубокоѣ вѣры, як безумна розшибалася и плакала. И тогда попала под руки еї книга Св. Письма. Перелистовала книгу и прочитала слова: „Вѣруяй во мнѣ имать животъ вѣчный и пр . . .“

Жона стала дальше читати и казала: — Сеся книга то слово Божое, бо лиш сила Божа, може придати такоѣ утѣхи, якоѣ я из сеї книги почула.

И по сему сталася побожною христіянкою.

Св. Письмо честовати и любити маеме. Царь Константин Великий у золото дав цереплести книгу Св. Писанія. Св. Отцы П. Никейского собора для Св. Письма окремъшний престол дали зготовити. Многѣ из христіян, як сокровище носили з собою св. книги.

3. Св. Іоанн Златоуст казав, что св. книгами сам Бог говорить к нам. Е то луч от вѣчного сонця, который засвѣтить на дорогу, ведучу ко небесному Отцу.

Св. Письмо чудесну силу має.

Св. Евгеній до поздноѣ ночи читав св. Письмо и коло него заспав. При том свѣчка убалилася на св. книгу и хотяй довго лежала на св. книзѣ, однако сія не запалилася.

Теофіла дѣва все з собою носила малу книгу св. Евангелія. Коли еї раз безбожнѣ мужчины щимили и понесли на одно мѣсто, где насильствіе хотѣли з нею робити, она взяла Евангеліе и читала. И коли первый зводитель приступив к ней, нараз корчи достав и умер.

Коли св. Августин, перед обращеніем своим глубоко раздумовав и незнав дойти до душевного сиокоя, учув слова: Бери, читай (Tolle, lege!) И як лиш прочитав мѣсто послання св. Ап. Павла ко Римляном „Яко во дни благообразно да ходимъ, не козлогласованіи и пянствѣ, не любодѣяніи и и студодѣяніи, не рвеніем и завистю. Но облѣцьтесь Господемъ напимъ Іисусъ Христомъ“. (13, 13, 14) дораз засіяла му свѣтлость порозумѣння, занимався дале св. Письмом и стався великим святым.

Св. Письмо научае, напоминае, выховае и утѣшае нас.

Не пропусти ани един день, — каже св. Отома александрийскій патріарх — чтобы'сь из св. книг дачто не прочитав!

ВСЛІЧИНА

Благое время и злое время. (Легенда) Святый Петро, привратник небесный на то просив раз Господа, чтобы дозволив ему пойти на землю и нащивити тих другов своих, от которых через наглою мученическою смертю оторваний быв. Сие прошеніе Господь исполнив и дав му восем дней отпуску. Але св. Петро не приходив аж за один цѣлый мѣсяць. Господь однакож сердечно принимав его, та лишень только звѣдав от него, что прочто быв так довго долу?

— О Господи — отповѣв Петро — на земли благое время было. Новое вино (морс, мушт) было солодкое и смачное, урожай (хлѣб) быв добрий, погода была на худобу и роботу!

— Кажи лиш мнѣ Петре — позвѣдав го Господь — ци думали на мене христіяне при добром времени?

— О Господи — казав Петро — не думав на Тя и жадный чоловѣк, окрем одної старої жоны, которой хижа и машталня згорѣли. Сеся воскликовала ко Тебѣ, но каждый смѣхує ся из неї! — С сим Господь пушов, а св. Петро вступив назад в службу привратническу.

Но когда прійшла осінь, св. Петро зась просив ся в отпуск и то уже на один цѣлый мѣсяць. Просьба исполнилася и он весело поїхав; але на третій день уже вернувся назад и горько му было. Господь звѣдовався от него, что тепер прочто вернувся назад так скоро?

— Ах Господи — отповѣв св. Петро — на земли было злое время, (зла погода) хлѣб не уродився, грозо (вино) квасное, голод и чума забирать народ, а верх сего еще и война, убийство, грабеж панують на земли и изза того, что там всѣ так плачебно отbyває ся, менѣ не хотѣло ся далѣе там остати ся.

Тогда звѣдовав го Господь: — Скажи св. Петре, ци споминали мене христіяне в злое время?

— Так милый Господи, так — говорив Петро — молодой и старый, рано и в вечер до Тебе воскликали, признают грѣхи свої и просить, щобысь розмилосердовався над ними, и гнѣв твой отдалив от них! Прото укажи им зась лицо твоє и прійми о них мое ходатайство.

Но на сесе так сказав Господь: Но Петре та теперъ подивися; если я добрѣ часы (погоду) подаю им и плодоноснѣ роки, тогды забудуть о мнѣ и о моих благодѣяніях. Та ци не принужденій Я им злѣ времена, голод и мор, посылати, щобы покаялися и ко менѣ обернулися.

Разбойник. (Легенда). Коли свята Фамилія в Египтѣ в бѣгствѣ находилася, случилося, что на єдном пустом и залишніом мѣстѣ напали на Ню два разбойники. Что мало мали и то от них взяли.

Теперь разбойники метали жереб, котрому припадуть ограбленї рѣчи. Але маєток бѣдных людей на только бѣдный быв, что другѣ разбойники высмѣяли того, котрый себѣ краденое выиграв. Но сесь тронутый сожалѣніем ко обшкодженым, — а особливо, коли видѣв дѣтичако, котрому из очей блискнули луци, яко луци сонця — отдав краденое, завюг св. Фамилію до своеї хаты и погостив их, як лиш мог.

И коли Пр. Д. Марія свою дѣтинку купала, и жена разбойника подобно робила со своею дѣтинкою, котра была страждуча проказою. И вот! Дѣтинчако под клѣпом ока выздоровѣлося. Сим разбойник быв тронутый на только, что сам сопровождав Св. Фамилію на опасной дорозѣ.

Сесь быв сам тот разбойник, котрому Христос па крестѣ сказав: „Еще днесъ со мною будеш в раи!“



Православіе, Гелебан и Кривскій старый куратор.

— Образ из житя нынѣшнаго. —

Продовженіе.

Гелебан: Однакож переже ото зробите, сокѣтую вам не слухайте ни сего, ни того попа, бо сесь хвалить свое, а тот свое, ай котрѣ намѣрнете перейти на православіе зайдѣть ся в едно, возмѣсть собѣ Евангеліе и зачнѣть от переду читати. И як за рядом дойдете у Евангелію св. Маєя до того мѣста, де юноша

звѣдае от Христа: „Оучителю влагій, что благо сотворю да имамъ животъ вѣчный“ (Мѳ. 19, 16) и Христос отвѣчае: „Соблюди заповѣди! Не оубіши, не прелюбы сотвори, не оукрадеши, не лжесвидѣтельствуйши... и возлюбиши искренняго твоего, яко самъ себе“ и позвѣдуйте от себе ци подержуть сесе православнѣ и покладѣть праву руку на сердце и по души и совѣсти скажѣть, что православна вѣра сесе майже не подержуе, бо она правѣ сими злыми дѣлами ся прославляє.

Дале прийдете на тоты пункты, где Іисус передав Петрови первенство и управительство. Там читаеме:

„Пришедъ же Іисусъ въ страны Кесаріи Филипповы, вопрошаše Оученики свої, глаголюща: Кого ма глаголють чловѣцы быти, Сына члока ческого? Они же рѣши: Овь оубо Іоанна Крестителѧ, иніи же Илію; дрѹзіи же Іеремію, или єдинаго отъ пророкъ. Глаголала имъ Іисусъ: Ви же кого ма глаголете быти? Отвѣтшавъ же Симонъ Петро, рече: Ты еси Христосъ, Сынъ Бога живаго. И отвѣтшавъ Іисусъ рече єму: блаженъ еси Симоне варъ Іоанна, яко плоть и кроκъ не іави тебѣ, но Отецъ мой иже на небесѣхъ. И азъ же тебѣ глаголю, яко ты еси Петро и на семъ камени созиждѹ церковь мою и врата адова не одолѣютъ сїй. И дамъ ти ключи царства небеснаго; и еже аще сважеши на земли будетъ скланено на небесѣхъ и еже аще разрѣшиши на земли, будетъ разрѣщено на небесѣхъ“. (Мѳ. 16, 13-19) И потом отворѣть Евангеліе св. Іоанна и тамъ зновъ читайте, что такъ часто чуете и на Утреняхъ:

„Глагола Симонъ Петро Іисусъ: Симоне Іоанинъ, любиши ли ма паче сихъ? Глагола єму: Ей Господи, ты вѣси, яко люблю тѧ. Глагола єму: паси агнцы мои. Глагола єму паки второе: Симоне Іоанинъ любиши-ли ма? Глагола єму: Ей Господи, ты вѣси, яко люблю тѧ. Глагола єму: паси овцы мои! Глагола єму третіе: Симоне Іоанинъ, любиши ли ма? Оскорбѣ же Петро яко рече єму третіе: любиши-ли ма и глагола єму: Господи, ты всѧ вѣси, ты вѣси, яко люблю тѧ. Глагола єму Іисусъ: паси овцы мои.

И якъ все сіе перечитаете подумайте: котра tota вѣра, во которой находить ся еденъ управлятель, и котра вѣра учить то, что в ней есть наслѣдникъ того св. Петра, кому передав Іисус Христос первенство и найвышу церковну власть?! А якъ прийдете на православну, вѣру та кажѣть, что сія не може быти истина

Христова вѣра, бо во ней не оден, но четыре управляють церковію; и ану ци найдете дагде в св. Евангелію, что Христос сим чотирйом передав управлениe церкви своей? ! А як не найдете, та будете знати, что православна вѣра не есть Христова вѣра.

Куратор: Та тогды от кого тата православна вѣра?

Гелебан: Та от Фотія и Керуларія, так як кальвинска от Калвина, лутеранска от Лутера. Майже за тисяч роков и восточнѣ и западнѣ християне одну вѣру держали; лиш' токо була розлука межи ними, что восточнѣ по грецки, западнѣ же по латински кончили богослуженія и іншакѣ церковнѣ звычай и обряды мали. Но в вѣрѣ и послушенствѣ к римскому отцу однакѣ були. Коли пак в IX-ом столѣтію Фотій, потом в XI-ом Керуларій константинопольскѣ патріархи сгордили ся були против верховного римского патріарха, который сидить на Петровом престолѣ и заосповали собѣ нову вѣру и нову церков на гордом и упертом фундаментѣ, якѣ були они и их вѣрики.

Куратор: Майже вы на то выходите, что лишитися от той вѣри?

Гелебан: Но та робѣть, что хотите; ідѣть на ту вѣру, у котру тягне вас ваша совѣсть. Бо тата вѣра в которой чоловѣк пасилу е, тата не може спсти его. Но одно не забудьте! Вы тепер с вашими 65 роками перейдете на другу вѣру; та ци знаете, что всѣ вашѣ сповѣди всѣ вашѣ добрѣ учинки, всѣ вашѣ причащенія не стоять ничего, — бо вы жили в такой вѣрѣ, которая *по вашої думцѣ* фалшива и неправдива була. Но грѣхи вашѣ изошли; позостали, бо вы — знов по вашої мысли — сповѣдалисѧ таким священикам, котрѣ не мають власти отпущати грѣхи. Ци будете вы мати доста часу в животѣ соберати заслуги и добрѣ учинки для вѣчного житя? ! И кто вас упевнить о том, что найдете вы „православного“ батюшку до сповѣди послѣдной? ! А як умрете где пойдете, коли у чистилища не вѣрюте? ! Не зостане для вас іншого мѣста, як пекло т. е. ілач и скрежет зубов в вѣки. Та добрѣ подумайте ци выплатиться вам оставити вашу отцевську вѣру и перейти на таку непевну, чужу, Бог знає из якого источника походячу вѣру.

Куратор: Та Михальку, майже лишитися сего?

Гелебан: То уже зовсѣм вашое дѣло, лиш' добрѣ подумайте; бо вѣра то не фигля, от вѣри зависить наше вѣчное блаженство и паше вѣчное осужденіе. Та не берѣть так легко!

Рок 1923.

„БЛАГОВѢСТИК“

Сторона 75.

З сим розишли ся люде, вѣйши всѣ и уже гет далеко
были оден от другого коли загойкав куратор.

Куратор: Михальку, апу' чекайте мало, еще вас чось хочу
звѣдовати. Мы береме тепер другого попа.

Гелебан: Якого? Бородатого, ци якого?

Куратор: Нѣт, такого, гї быв, лиш другого.

Гелебан: Сесе уже инше; сесе сему ряд: провинився,* об-
мѣнѣть, айбо не за нову вѣру. Позерайте, як ваш слуга не слу-
жить так, як ся приходить, та ци лишите про него цилое свое
газдовство, которое вам предки лишили?

Куратор: Правду маєте. А до того что кажете, что мы сего
нового так стокмили, что все мас кончiti, что в книгах е. Та
ци най кончить, ци нѣт?

Гелебан: Братье, я вас познаю за такого чоловѣка, кто уже
'сте были и куратором, мало най за лѣпшого; та вас не можуть
так легко перехитрити пѣтятам. Та только и вы можете знати,
что если все кончите, та грѣха не будете мати. Но порозумѣйте,
что 1-раз: чим май больше, тым май студеное; 2-раз: Іисус ка-
зав фарисеям и книжникам, вы хотите *многими* глаголами Богу
уподобатися и научив их на короткій Отче наш; 3-раз: из першу
всѣ отправы были дуже довгѣ; потом св. отцы укоротили, бо так
судили, что люди почали помало залишити церков про дуже довгѣ
отправы. Так скоротив св. Василій Великій службу св. Іакова
апостола; св. Іоан Золотоустый літургію св. Василія. Велику часть
отправ приписали монахам и священикам, обы они то приватно,
без народа откончили. Зато народ не прогнав их из престолов
епископских, навѣть почитає их святыми. Уповѣм вам оден примѣр,
что случилося на Верховинѣ в едном селѣ.

По револуції, як настала свобода, собрали ся якѣсь люди
до поса и кажуть:

— Но пане, та тепер уже наш свѣт! Аж хочеш, та обысь
отправы так кончив, як у книгах е; аж нѣт, и ты можеш собѣ ити.

Но пои, кто не бохтерив, но учив ся, зараз увидѣв что им
треба и каже:

— Добре сесе я люблю!

И зараз в недѣлю на проповѣди выкликал: Любезнѣ мої!
Тепер уже и нам свобода, не так гї было, и понеже суть люди,

* Як знаємо, Т.-Кривскій духовник не провинився ни в чом, но сам
просив от епископа другу фару.

котръ хотять, обы у церкви так отправляло ся, як у книгах приписано, я на се вдячно пристаю. Но, обы'сте знали, что як менъ приписано кончити, правъ так приписано и вам слухати и сиѣвати; та обы'сте всѣ так появили ся кождый день в церкви на моих отправах, як и днесь.

По службѣ побѣг дому, мало заѣв и такой до церкви. Зачав за приписом, кончив, кончив, так довго, что выйшли из церкви у 10 годин вечер. Еще люди добре и не заспали; уже звонить на полуночницу; за тым часы, утреня, обѣдница, служба. Опять выйшли по полудню. Не потримало и три дни, народ облишив церков, дяки, пѣвцы захрипли, дале уже не бировали, а поповинич; бо ему мало приписано, изъ большой части сидить за престолом. Тоты самѣ, котръ розказовали, обы кончив за приписом пошли и просили 'го, обы кончив лиш так, ги кончив до тепер. Майже ото добре так досудили отцы, котръ для мірян скоротили Богослуженія. Та мѣркуйте и вы, обы'сте так не походили.

Сим поздоровили оден другого. Гелебан пошов дому до Копашнього, а старый куратор у свое село. Гелебан с тым убѣждением, что спас одну душу або еще и больш, старый куратор же с тым, что не е инде спасенія як в истинной християнской-православно-каѳолической церкви, которую основав Іисус Христос на твердом камени, Петръ и котрою днесъ управляет наслѣдник св. Петра: римскій отец.

Читайте здоров'!

Написав: *М. Гелебан,*
твърдый православный-гр.-каѳ., а не шизматик.

І ДОПІЯСІ І

Батюшка Андрей Рацин.

Добре буде мало поговорити о „православных“ священниках, вѣдь о наших „уніятских“ все пише „Село“, „Правда“(?), „Русская Земля“, „К. Р. Вѣстник“, что душехваты, мадяроны, дармоѣды, паскудники и пр. Най лиш попозерають якъ тоты духовники(?), которых они так подперають и любили бы пришити на шію подкарпатских русинов! Берѣм лиш одного из многих и попозерайме что за еден и колько важить.

Рок 1923.

„БЛАГОВѢСТИК“

Сторона 77.

Батюшка Андрей Рацин родився от гр. каѳ. родичов в Нижнім Шарду, вийшов до Америки, там быв за якійсь час роботником; потом став ся дяком и вюв по недѣлѣ гармою, потом пошов на три мѣсяцѣ до „православного“ владыки Дзубай Александра, котрый послѣ три мѣсячної науки посвятив его за священика.

Из Америки в время революціи пришов Андрей до Заднього, там посвятить церковь, потом до Кушницѣ и на Лисичово, всягде пересвячуючи церкви. В церквах голосить еще до того николи не чувану проповѣдь. На утрени на великое славословіе треба стати на колѣнки; дзвонки на коровы, треба бласти, а в церкви дзинкати не свободно; перед Евангеліем треба дати; „Мир всѣм“; конец „блаженных“ треба попови казати; на „Иже херувимы“ треба казати „и всѣх нас православных христіян“ (так написав св. Іоанн златоустный?); на Отче наш треба стати на колѣнки и т. д. Вѣнчати с вином (обща чаша) треба без божбы (присяги). Сесѣ попы мадяроны, душехвати, продали вѣру под воиною, треба их прокъряті.

Такое у него проповѣданіе слова Божого. За вѣнчаня брав 45 кор. и литер вина, За отпороуды от кого колько мог, только задер. Давали ему съно и фурман. Дверѣ царскѣ утворяє и запирає; коло престола бороду и волося чепце. Из Заднього пришов батюшка Андрей до Вольховець, где изпершу быв „православным“, потом переишов на гуситску (чешску) вѣру, став міссіонером сеъ вѣры и затягнув у сесю третю вѣру большу часть „твердых православных“.

Ци видите, что за еден сесь батюшка? Мѣняе вѣру свою, як чоловѣк сподню одежу А еще суть такѣ, котрѣ вѣрують таким „попам“, як батюшка Андрей!

Кушница, 15-го Фебруара 1923. рока

Е. М.

Ужгород, 1923. II. 20.

Прошу пана Редактора помѣстити в вашой газетѣ мої думки, котрѣ думаю, что полезнѣ будуть и для других.

Я жію в Ужгородѣ на Капустанской улицѣ; менѣ у каѳедральну церков, або на Цеголню, из такоїдалекости тяжко ходити; а я службу Божу не радо пропускаю, бо знаю что то строгій церковный приказ. Что маю робити?

Ходжу у каплицю римо католицку, котра в тутешній больницѣ е.

Прошу красно пана редактора, ци не могли бы папи руськѣ священики в недѣлю для тутешных гр. каѳоликов одну малу службу отслужити на котрой притомнѣ могли бы быти окрем нас и всѣ хворы из шпитала? ! Думаю что туй уже по правдѣ мы есме в большинствѣ? Як знаю есть. гр. каѳол. служба в четверг рано. Мѣсто того о. духовный пришли бы в недѣлю и нам не треба бы так далеко ходити до церкви.

Вручаю мое прошеніе у вашое вниманіе. К. Л.

обыватель ужгородскій.

Новости

Делегаты в Римъ. Делегаты нашоѣ епархіи, каноники др. Шуба, Ю. Станкай и секретар Стойка на днях вернули из Рима. Цѣлею сей делегаціи было ходатайстувати в справѣ америцкого єпископства, и предложити религійное положеніе Подкарп. Руси. Высланцѣ до слез тронуто слухали слова Архіерея и приняли апостолское благословеніе, которое повѣрено передати пими Преосвященному, его священникам та вѣрникам. Ровночасно заявлено, что твердою вѣрою должныеме вѣровати в лѣпшой и славной будучности та повкладено за повинность нашу молитися за наших братов, что заблудили. Делегаты запримѣтили, что авторитет Ватикана надзвичайно росте в Римѣ из дня на день, что замѣтили и в восточной церкви и се е одною причиною того стремленя, что россійска церков тепер серіозно занимається с думкою унії. Оглядно особы Преосвященнаго римска Курія заявила, что до особы его относятся с наибольшим признаньем и про его евентуалное переложеня або oddalenja анѣ слова не е. Всесвятѣйшій дуже добре спознае тутешнѣ относины.

Наш обряд в Римѣ має великоѣ чести. В самом городѣ 2 гр. каѳ. церкви суть. Для воспитованя наших и галицких богословов е заснована коллегія окремѣшина „Collegium Ruthenorum“ Од нас тепер богословом е засланый Лудвик Миня, который уже другого року е в той коллегіи. У Храмѣ св. ап. Петра можно достати ризы, книги нашего обряду. Наши делегаты служили св. литургію с наибольшою радостію над гробом св. ап. Петра. Над нашим обрядом окремѣшина конгрегація сторожить. Референтом

сей конгрегаціи е один гр. кає. епископ. Нацвили також в Римъ перебываючого митрополита Шептицкого. Делегаты вернули из Рима тым вражъньом, что на престолъ римском тепер дѣйсно сидить: Вѣра непокодибима.

(Свобода)

— **Благословеніе архіерей- ское.** Папа XI. Пій послав вѣрникам мукачевской єпархії свое апостольское благословеніе, что 25-го фебр. в кафедральном храмѣ (в Ужгородѣ) торжественно выдѣлив еп. Антоній.

— **Выименованіе.** Епископ Антоній Пауп выименовав Арпада Штилиху ластовского душпаstryя до Станча (жуна Земплин).

— **Оригинальный образ** повчанской пресвятой Маріи находится тепер в Виднѣ в церкви св. Стефана. (Нынѣшний образ повчанскій есть токъко копіе того Вѣденського образа). Образ нам так милый, залишено стоять там в одном закутѣ и вѣденськѣ люде ачай, и не знаютъ, что той образ есть чудотворным образом и так возлюбленным цѣлым подкарпатским народом. Думаеме, что можно бы переговорити с вѣденским правительством и они бы перепустили нам сей дорогоцѣнны скарб нашего руського народа. Вручаеме в вниманіе єпархиалной верхности сесю идею.

— **Лучанскѣ шизматики** вже будують собѣ церков. Лучанскѣ и горондянскѣ шизматики, видячи что право за

церков уже утратили, рѣшили собѣ нову церков будовати. Дня 25 го фебруара с величим торжеством посвятили мѣсто, де церков их стояти буде. Мѣсто 20 м. довгое и 14 м. широкое. Правду мають! Кто перейшов на другу вѣру, най собѣ буде другу церков!

— **На собраніи Хлѣборобской Партии** говорило ся и о наших религійных спраах. М. Гелебан в имени всѣх греко-кафтоликов заявилъ протест против насильствій шизматиков и требовав от правительства строгшого переведеня установлений закона. В культурном штатѣ або подержать всѣ люди законны, а як нѣт, тогды всѣм свободно хоть что робити.

„Русская Земля“ подавши вѣсть о подпорѣ духовенству за утраченну коблину, додала злобну примѣтку, что тоты міліоны от парода стягнуть. И поправдѣ агитаторы шизмы начали бунтовати людей с тою брехньою, что сю сумму заплатить сам наш народ. На сесю кацапску злобу мы лиш то примѣтиме, что слаба то вѣра, котра такими низкими способами примушена воевати! .

— В Подплеми передали церков гр. каєоликам. 3.-го фебруара в Пудлеші (ж. Мараморощ. окр Тересва) на основѣ рѣшенія окр. суда в Тячовѣ от шизматиков была церков отобрана и передана гр. каєам. — Шизматики хотѣли становити ся против высланної жандармеріи, но на энергичное воззваніе надпоручика Тересовскаго, именем И. Крупа товна отступила ся, батюшка от церкви утѣк. Похвалу собѣ заслужив из сего повода п. окр. начальник, им. др. Юлій Комаринскій, который в первом рядѣ чесными словами змагав ся утихомирити возбунтованих шизматиков и коли жандармерія от церковных дверей отдалила толпу — сейчас запретив дальшій выстуپ против народа. Церков примирив о. Хира, гр. кає. священник Гр. каєолики уже спокойно уживають церков. —

— Короткѣ вѣсти. В имени пражского дипломатично збору апостолскій нунцій : д-р Микара появив ся у д-ра Бенеша, миnistra заграничных дѣл выразити глубокого почут из поводу смерти др. Ришина. — Апостолским визитатором для галицких украинских епархій выименованый Діонізій Генокки из Украины. — Молода протестантска держава Лотва заключила конкордат с апост. престолом, в котором обезпечена кафтол. церкви повна свобода. — В Россіи повстала знов одна нова вѣра : „Староапостольска Церковь“, в самом Петербургѣ мае около 100 священников. — В Угорщинѣ есть 63% кафтоликов, 21·6% калвинистов и 6·2% лутеринов. В Будапештѣ утворено 15 новых кафтол. парохій.

В Львовѣ устроили концерт на честь митрополита Андрея Шептицкого.

— В газетѣ Каминскаго подана програма будучого мукачевскаго конгреса. Там має говорити и о. Юлій Бачинскій „от имени гр. кат. духовенства“, а за ним един шизматик о переслѣдованіи шизматицког церкви. Но звѣдаеме, якое духовенство дало повновасти папу Бачинскому говорити „от имени гр. кає. духовенства на собранніе“, которое устроюе извѣстный шизматицкій агитатор Гагатко? Пан Бачинскій вже забыв, что якое страшное гоненіе перетерпѣло наше духовенство от кацаов?

— Батюшки, як не привязанѣ телята, вандрують; они не мають постановленного прихода. Но из села на село блудять, един замѣщається у дѣло другого без жадного закона. И се характер зуе „православну“ церков. О поправдѣ без жадного закона ктяться.

ПЕРЕПИСКИ РЕДАКЦІИ.

А Р. Олна. Получите одно оказовое число „Нивы“ з Львова. Благодареніе за щирый привѣт. Из I. и II. рочника недоставаютъ числа 1, 2 и 5.

РЕДАКТОР-ИЗДАТЕЛЬ :
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР :
ЕМИЛІЯН БОНШАЙ.